

EMBASSY OF THE UNITED STATES OF AMERICA

PUBLIC AFFAIRS SECTION

TEL: 880-2-883-7150-4

FAX: 880-2-9881677, 9885688

E-MAIL: DhakaPA@state.gov

WEBSITE: <http://dhaka.usembassy.gov>



সংবাদ বিজ্ঞপ্তি

দু'জন শিল্পীর সঙ্গে তিন সপ্তাহব্যাপী অপরিমেয় সৃষ্টিশেলী নিয়ে যুক্তরাষ্ট্র দৃতাবাস জন্মস্থান শীর্ষক শিল্পকলা উদ্যোগের উদ্বোধন করলো

ঢাকা, ১১ই অক্টোবর -- যুক্তরাষ্ট্র দৃতাবাস গতকাল রবিবার, ১০ই অক্টোবর “জন্মস্থান” শিরোনামে শিল্পকলা বিষয়ক একটি নতুন কর্মশালার উদ্বোধন করেছে। এই কর্মশালায় সমবেত আমেরিকান ও বাংলাদেশী সকল বয়সী শিল্পীরা একত্রে মাতৃভূমির বিষয়বস্তু নিয়ে কাজ করবেন। অক্টোবরের ১০ তারিখ থেকে ৩০ তারিখ পর্যন্ত, তিন সপ্তাহব্যাপী আমেরিকান শিল্পী অ্যান্ড স্যাফটেল ও হাইটনি বেকার বাংলাদেশের স্বনামধন্য শিল্পীদের সহযোগিতায় চারুকলার সন্তাবনাময়ী ছাত্র-ছাত্রী ও স্কুল পড়ুয়া শিশুদের সঙ্গে ঢাকা ও ময়মনসিংহ অঞ্চলে বিভিন্ন কর্মশালা ও প্রশিক্ষণমূলক কর্মসূচীতে অংশগ্রহণ করবেন।

প্রথমেই আমেরিকান শিল্পী ও বাংলাদেশের দক্ষ প্রিন্ট মেকারদের সমন্বয়ে ঢাকার মালিবাগে অবস্থিত ‘কসমস অ্যাটেলিয়র ১৭’ স্টুডিওতে একটি প্রিন্ট মেকিং কর্মশালার আয়োজন করা হয়েছে। এর পরে রয়েছে ঢাকা বিশ্ববিদ্যালয়ের চারুকলা বিভাগের ছাত্রদের সঙ্গে ১৮ই অক্টোবর থেকে ২০শে অক্টোবর পর্যন্ত তিনদিনব্যাপী একটি কর্মশালা। এই তিন সপ্তাহব্যাপী কর্মশালার সবচেয়ে অনন্য আকর্ষণ হলো ভাসমান স্টুডিও। অক্টোবরের ২২ ও ২৩ তারিখ স্যাফটেল ও বেকার প্রথিতযশা বাংলাদেশী শিল্পীদের সঙ্গে মেঘনা নদীতে ভাসমান অবস্থায় চিত্রাংকন কর্মশালায় অংশগ্রহণ করবেন। আমেরিকান শিল্পীরা ২৪ থেকে ২৬শে অক্টোবর পর্যন্ত কসমস গ্যালারি আয়োজিত ময়মনসিংহের জয়নুল আবেদিন জাদুঘরে একটি শিশুদের অনুষ্ঠানে অংশগ্রহণ করারও পরিকল্পনা করেছেন।

এই কর্মশালা সমাপ্ত হবে একটি প্রদর্শনী দিয়ে যা অক্টোবরের ২৮ থেকে ৩০ তারিখ পর্যন্ত ঢাকা আর্ট সেন্টার-এ অনুষ্ঠিত হবে। তিন সপ্তাহব্যাপী কর্মশালায় যে শিল্পকর্মগুলো তৈরি হবে সেগুলো এই প্রদর্শনীতে তুলে ধরা হবে। প্রদর্শনীটি ২৮শে অক্টোবর সন্ধ্যা ৬টায় উদ্বোধনের পর একটি অভ্যর্থনা অনুষ্ঠান আয়োজন করা হয়েছে।

এই কর্মশালার অংশ হিসেবে যুক্তরাষ্ট্র দৃতাবাসের আমেরিকান সেন্টার একটি ভিডিওচিত্র প্রতিযোগিতার আয়োজন করেছে। এই প্রতিযোগিতায় অনুর্ধ্ব ১৮ বছর বয়সী যে কেউ নিজে ধারণকৃত একটি এক মিনিট দীর্ঘ ভিডিওচিত্র জমা দিয়ে অংশগ্রহণ করতে পারবে। প্রতিযোগিতায় বিজয়ীকে নগদ টাকা উপহার দেয়া হবে এবং নির্বাচিত ভিডিওচিত্রগুলো সমাপনী প্রদর্শনীতে দেখানো হবে। ‘জন্মস্থান’ ও ভিডিও প্রতিযোগিতা সম্বন্ধে আরো বিস্তারিত তথ্য যুক্তরাষ্ট্র দৃতাবাসের ওয়েবসাইট

dhaka.usembassy.gov -এ পাওয়া যাবে।

অ্যান্ড্রু স্যাফটেল টেনেসির বাসিন্দা। তিনি একজন পেশাদার প্রিন্ট মেকার, চিত্রকর ও শিল্পকলার শিক্ষক। তিনি স্যান ফ্রান্সিস্কো আর্ট ইনসিটিউট থেকে চার্কলায় ডিগ্রী লাভ করেন। যুক্তরাষ্ট্রব্যাপী তার শিল্পকর্ম একক ও দলগত প্রদর্শনীতে প্রদর্শন করা হয়েছে। তিনি অসংখ্য পুরস্কার ও পাবলিক কমিশনে ভূষিত হয়েছেন। সম্প্রতি তিনি মেঞ্জিকোতে “বর্ডারস” শীর্ষক একটি কার্কাঠশিল্প বিষয়ক গণ প্রিন্ট কর্মশালা পরিচালনা করেছেন।

কেন্টাকি থেকে হাইটনি বেকার একইসঙ্গে একজন কবি, ল্যান্ডস্কেপ ডিজাইনার এবং চলচ্চিত্র নির্মাতা। কথা ও কাব্যকে সচিত্র শিল্পকর্মে ফুটিয়ে তোলার মতো মিশ্র মাধ্যম ব্যবহারে তিনি পারদর্শী। তিনি লিঙ্কন মেমোরিয়াল বিশ্ববিদ্যালয় থেকে স্টুডিও আর্ট-এর ওপর ডিগ্রী লাভ করেছেন এবং সম্প্রতি তিনি তার প্রয়াত শিক্ষক, কবি, সাহিত্যিক ও চিত্রগ্রাহক জেমস বেকার হল-এর ওপর একটি চলচ্চিত্র নির্মাণ করেছেন।

আমরা বিশ্বের যেখানেই থাকি না কেন, মাতৃভূমির প্রতি আমাদের যে টান রয়েছে তা অত্যন্ত দৃঢ় ও চিরস্থায়ী। স্যাফটেল ও বেকার উভয়েই আপালাশিয়ান পর্বতমালার ঐতিহাসিক কাম্বারল্যান্ড গ্যাপকে নিজেদের জন্মস্থান হিসেবে বিবেচনা করেন। তারা তাদের কাজ ও কল্পনায় এই স্থানের প্রতি নিবেদিত এবং বাংলাদেশি ও আমেরিকানদের মধ্যে বিশেষ করে এই দু'দেশের পন্থী জনগোষ্ঠীগুলোর মধ্যে যে সাদৃশ্যগুলো বিদ্যমান সে বিষয়গুলোর প্রতি তারা আগ্রহী। বাংলাদেশে এটাই তাদের প্রথম সফর এবং তারা বাংলাদেশের প্রবীণ শিল্পীদের সঙ্গে কাজ করার জন্য উন্মুখ হয়ে আছেন। একই সাথে বাংলাদেশের দর্শক ও তরুণদের সঙ্গেও তারা মিলতে আগ্রহী।

“জন্মস্থান” কর্মশালাটি কসমস গ্যালারি, কসমস অ্যাটেলিয়ের ১৭, ঢাকা বিশ্ববিদ্যালয় চার্কলা বিভাগ ও ঢাকা আর্ট সেন্টার-এর সাথে অংশীদারিত্বে গড়ে তোলা হয়েছে।

শিল্পীদের সম্বন্ধে প্রতিনিয়ত তথ্য পেতে আগ্রহীরা যুক্তরাষ্ট্র দূতাবাসের ফেসবুক পেজ --

<http://www.facebook.com/bangladesh.usembassy> -- এ আমন্ত্রিত। এই কর্মশালা সংক্রান্ত সকল তথ্যের জন্য ঢাকাস্থ যুক্তরাষ্ট্র দূতাবাসের তথ্য কর্মকর্তা প্যাট্রিসিয়া হিল-এর সাথে HillPA2@state.gov -- এই ইমেইল ঠিকানায় যোগাযোগ করার জন্য অনুরোধ করা যাচ্ছে।

=====

জিআর/ ২০১০

দ্রষ্টব্য: এই সংবাদ বিজ্ঞপ্তির ইংরেজি ভাষ্য ‘আমেরিকান সেন্টার’-এ পাওয়া যাবে। যদি আপনি ইংরেজি ভাষ্যটি পেতে আগ্রহী হন, তবে ‘আমেরিকান সেন্টার’-এর প্রেস সেকশনে (টেলিফোন: ৮৮৩৭১৫০-৮, ফ্যাক্স: ৯৮৮৫৬৮৮; ই-মেইল: DhakaPA@state.gov এবং ওয়েবসাইট: dhaka.usembassy.gov যোগাযোগ করুন।